



**Sporazum o saradnji**  
**Između**  
**Univerziteta u Tuzli**  
**i**  
**Sveučilišta u Zagrebu**

Univerzitet u Tuzli (Bosna i Hercegovina) ) i Sveučilište u Zagrebu (Hrvatska) ovim sporazumom dogovaraju poticanje i uzajamno podupiranje saradnje s ciljem razvoja zajedničkih projekata u visokoškolskom obrazovanju. Univerziteti će poticati direktne kontakte i saradnju između univerzitetskih nastavnika, odsjeka i instituta te ostalih naučno-istraživačkih institucija s obzirom na odredbe dogovorene ovim sporazumom.

1.

U okviru područja koja će uzajamno utvrditi, Univerzitet u Tuzli i Sveučilište u Zagrebu poticaće sljedeće oblike saradnje:

- razmjenu nastavnika i istraživača,
- razmjenu administrativnog i profesionalnog osoblja,
- razmjenu studenata u okviru dodiplomskih, diplomskih i doktorskih studija,
- zajedničku organizaciju kolegija, studijskih putovanja, konferencija i seminara,
- saradnju u području doktorskih studija,
- zajedničke istraživačke projekte, uključujući i prijave za finansijsku podršku,
- druge oblike univerzitetske saradnje od obostranog interesa.

2.

Svaki univerzitet će imenovati kontakt osobu odgovornu za aktivnosti dogovorene prema ovom sporazumu. Na Sveučilištu u Zagrebu koordinator saradnje će biti Ured za međunarodnu suradnju. Na Univerzitetu u Tuzli koordinator saradnje će biti Ured za međuuniverzitetsku saradnju u zemlji i inostranstvu.

3.

Za svaku aktivnost uslovi njenog provođenja i primjene postignutih rezultata dogovaraje se posebno. Dogovorom i u pisanom obliku rješavat će se i finansiranje svake pojedine aktivnosti, ovisno o raspoloživosti finansijskih sredstava.

Ugovorne strane saglasno utvrđuju da će u pisanom obliku dogovarati sve što se tiče preuzimanja finansijskih obveza koje mogu nastati prilikom razmjene nastavnika, istraživača i drugih djelatnika, koji troškovi uključuju putne troškove, troškove boravka

(smještaja i dnevnice) i ostale popratne troškove, a sve u skladu sa raspoloživim finansijskim sredstvima.

4.

Razmjena naučno-nastavnog osoblja, istraživača, godišnje kvote, dužina trajanja njihova boravka određiće se posebnim radnim programom. Radni program može biti obnovljen svake tri godine na temelju prijedloga objiju strana u skladu s novim potrebama i zahtjevima.

5.

Razmjena studenata regulisaće se posebnim sporazumom i/ili radnim programom između univerziteta.

6.

Univerziteti su utvrdili da troškove zdravstvenog osiguranja i osiguranja od nesreće tokom boravka snose nastavnici, istraživači i drugi djelatnici te studenti koji sudjeluju u razmjeni.

7.


Sporazum se sklapa na pet godina i stupa na snagu danom potpisivanja. Sporazum stupa na snagu nakon što ga potpišu predstavnici oba univerziteta. Sporazum je moguće dopuniti na temelju obostrane saglasnosti s predloženim dopunama. Predstavnici oba univerziteta mogu prekinuti sporazum u pisanom obliku uz otkazni rok od šest mjeseci. Prekid sporazuma neće uticati na prava nikoga ko je sudjelovao u razmjeni prije objave prekida.

8.

Sporazum je sastavljen u dva (2) primjerka na hrvatskom i dva (2) primjerka na bosanskom jeziku, za svaku stranu po jedan primjerak od svake jezične verzije.

U Zagrebu, 25. maja 2012. godine

Prof. dr. Enver Halilović  
Rektor  
Univerzitet u Tuzli

Prof. dr. sc. Aleksa Bjeliš  
Rektor  
Sveučilište u Zagrebu

SVEUČILIŠTE U ZAGREBU

Primljeno: 28.05.2012 12:38:27		
Klasifikacijska oznaka:	Ustrojstvena jedinica	
605-01/11-01/99	154	
Urudžbeni broj:	Prilozi	Vrijednost
380-154/129-12-3	00	-